

ს.ს. „ელექტროენერგეტიკული სისტემის კომერციული
ოპერატორი”



საინფორმაციო სისტემები და სერვერების (სერვერი-CPV 48820000) შესყიდვის
ელექტრონული ტენდერის
სატენდერო დოკუმენტაცია

ქ. თბილისი 2018 წელი

ს ა რ ზ ე ვ ი

1. ინფორმაცია ტენდერში მონაწილეთათვის -----	3
2. სარეგისტრაციო/უფლებრივი მონაცემების ამსახველი დოკუმენტაცია -----	4
3. ტექნიკური დავალება -----	5
4. ხელშეკრულების პროექტი -----	7
5. დამატებითი ინფორმაცია -----	10

1. ინფორმაცია ტენდერში მონაწილეთათვის

1.2. სახელმწიფო შესყიდვების ერთიანი ელექტრონულ სისტემის საშუალებით შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ შესაბამისად. ინსტრუქტაჟი შესაძლებელია ასევე იხილოთ <http://procurement.gov.ge>

2. სარეგისტრაციო/უფლებრივი მონაცემების ამსახველი დოკუმენტაცია

2.1. იურიდიული პირის, ამხანაგობის, არარეზიდენტი პირის, წარმომადგენლობისა და ინდივიდუალური მეწარმისათვის:

- ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

2.2. ფიზიკური პირებისათვის:

- პირადობის მოწმობის ან პასპორტის ასლი.

2.3. აღნიშნული დოკუმენტაცია მოთხოვნილი იქნება მხოლოდ იმ შემთხვევაში, თუ სსიპ „საჯარო რეესტრის ეროვნული სააგენტოს“ ოფიციალური ვებ-გვერდის მეშვეობით შეუძლებელია პრეტენდენტის შესახებ შესაბამისი ინფორმაციის სრულყოფილად მიღება. ასეთ შემთხვევაში, „შემსყიდველის“ მოთხოვნაში გათვალისწინებული ადმინისტრაციული ორგანოდან წარმოსადგენი დოკუმენტი, გაცემული/მომზადებული უნდა იყოს **სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“** 30-ე მუხლის შესაბამისად.

2.4. დოკუმენტები გამარჯვებული პრეტენდენტის მიერ წარმოდგენილ უნდა იქნეს ელექტრონული ვაჭრობის დასრულების შემდეგ „შემსყიდველის“ მოთხოვნის შემთხვევაში და შესაბამისად.

2.5. ფიზიკური პირისთვის პირადობის დამადასტურებელი დოკუმენტის, ხოლო ინდივიდუალური მეწარმისა და იურიდიული პირისათვის მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერის მოთხოვნის მიზანია პირის იდენტიფიკაცია, ხოლო ინდივიდუალური მეწარმისა და იურიდიული პირის შემთხვევაში, ასევე სახელმწიფო შესყიდვების პროცესში მესამე პირებთან საწარმოს წარმომადგენლობაზე უფლებამოსილი პირების დადგენა.

2.6. პრეტენდენტის მიერ ზემოაღნიშნული დოკუმენტ(ებ)ის წარდგენა ხდება მოქმედი კანონმდებლობით გათვალისწინებული წესით.

3. ტექნიკური დავალება

- 3.1. შესყიდვის ობიექტია **საინფორმაციო სისტემები და სერვერები (სერვერი-CPV 48820000)** მისი თანმდევი მომსახურებით.
- 3.2. შესყიდვის ობიექტი დეტალური შემადგენლობა, ტექნიკური პირობები, პარამეტრები და მახასიათებლები მოცემულია სატენდერო დოკუმენტაციის/პირობების **№1 დანართში**.
- 3.3. ფასების ცხრილი, რაოდენობა/მოცულობა და ა.შ. ასახულია **№2 დანართში**, რომელიც წინამდებარე სატენდერო დოკუმენტაციასთან/პირობებთან ერთად ატვირთულია სისტემაში, როგორც მისი შემადგენელი ნაწილი და ივსება პრეტენდენტ(ებ)ის მიერ.
- 3.4. პრეტენდენტმა კომპანიამ უნდა წარმოადგინოს ანალოგიური პროდუქციის გაყიდვის შესახებ მინიმუმ 2 პროექტის ხელშეკრულება ან/და მიღება ჩაბარების აქტი ან/და SPA ნომერი ან/და სხვა დამადასტურებელი დოკუმენტი.
- 3.5. პრეტენდენტმა უნდა წარმოადგინოს მწარმოებლის ავტორიზაციის ფორმა (ე.წ. MAF - Manufacturer Authorization Form).
- 3.6. შესყიდვის ობიექტის მიწოდების საერთო ვადა განისაზღვრება ხელშეკრულების დადებიდან 2018 წლის 31 დეკემბრის ჩათვლით. მისი ცალკეული შემადგენელი ნაწილის მიწოდება ხდება **№1 დანართში** მითითებული ვადების შესაბამისად. შესყიდვის ობიექტის (მისი ცალკეული შემადგენელი ნაწილის) მიღება-ჩაბარება დასტურდება ამ ფაქტის დამადასტურებელი შესაბამისი აქტით, რომელსაც ხელს აწერენ ორივე მხარის წარმომადგენლები.
- 3.7. შესყიდვის ობიექტის მიწოდების ადგილია „შემსყიდველის“ ოფისი ქ. თბილისში.
- 3.8. შესყიდვის ობიექტის საგარანტიო ვადების შესახებ აღნიშნულია **№1 დანართში**. შესყიდვის ობიექტის (მისი ცალკეული შემადგენელი ნაწილის) ნებისმიერი ნაკლის/ხარვეზის აღმოჩენის, გაუმართაობის შემთხვევაში, „მიმწოდებელმა“ უფასოდ უნდა გამოასწოროს/აღმოფხვრას იგი შემსყიდველის შეტყობინებიდან 10 კალენდარული დღის განმავლობაში, ხოლო თუ ეს შეუძლებელია, მაშინ შეცვალოს იგივე ტიპის, ხარისხისა და ღირებულების პროდუქციით და მიაწოდოს შემსყიდველს შემსყიდველის შეტყობინებიდან 30 კალენდარული დღის განმავლობაში.
- 3.9. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლოს გადახდის ვალდებულება ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.
- 3.10. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 3.11. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.
- 3.12. შესყიდვის ობიექტის ღირებულება მოიცავს მის შესყიდვასთან, ინსტალაციასთან, მიწოდებასთან და ა.შ. დაკავშირებულ სხვა ყველა ხარჯსა და კანონმდებლობით დადგენილ გადასახადებს (გადასახდელებს).
- 3.13. ტენდერის შედეგად დაფიქსირებული საბოლოო ღირებულებიდან გამომდინარე, ფასების ცხრილში მოცემული შესყიდვის ობიექტის ცალკეული ერთეულის ღირებულება დადგინდება (შემცირდება) მხარეთა შეთანხმებით. შეთანხმების მიუღწევლობის შემთხვევაში, იგი შეიცვლება (შემცირდება) ვაჭრობის შედეგად დაფიქსირებული საბოლოო სატენდერო ღირებულების პროპორციულად (პროცენტულად). აღნიშნული მეთოდით დაფიქსირებული ღირებულება აისახება შესყიდვის ხელშეკრულებაში.
- 3.14. პრეტენდენტის მიერ შემოთავაზებული სერვერი უნდა იყოს საინფორმაციო ტექნოლოგიების სფეროში საერთაშორისოდ აღიარებული მწარმოებლის (მინიმუმ 10 წლიანი გამოცდილებით) მიერ დამზადებული ორიგინალი პროდუქტი. გარდა ამისა, ის აუცილებლად უნდა იყოს ახალი და არ უნდა იყოს მოხსნილი წარმოებიდან.
- 3.15. სატენდერო წინადადების წარდგენა ნიშნავს მიმწოდებლის თანხმობას სატენდერო დოკუმენტაციით დადგენილ პირობებთან/მოთხოვნებთან. ამასთან, პრეტენდენტს შეუძლია

წარმოდგინოს (სისტემაში ატვირთოს) მისი რეპუტაციისა და საქმიანი გამოცდილების დამადასტურებელი დოკუმენტაცია.

3.16. ტექნიკური დოკუმენტაცია წარმოდგენილი უნდა იყოს ქართულ ენაზე.

3.17. პრეტენდენტის მიერ წარმოდგენილ უნდა იქნას შესყიდვების ერთიანი ელექტრონული სისტემის შესაბამის პროფილში შესატანი რეკვიზიტ(ებ)ის ის ნაწილი, რომელიც არ აქვს შევსებული ან/და შევსებულია არასწორად/არასრულად.

3.18. პრეტენდენტმა სავალდებულოდ უნდა წარმოადგინოს დასაბუთება ფასწარმოქმნის ადეკვატურობის შესახებ იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

დასაბუთების წარმოდგენის ვადაა „შემსყიდველის“ მოთხოვნიდან არაუგვიანეს 3 (სამი) სამუშაო დღისა.

3.19. წინასწარი გადახდის წესი არ გამოიყენება. ანგარიშსწორება განხორციელდება ეტაპობრივად, „მიმწოდებლის“ მიერ ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) ღირებულების შესაბამისად, მიღება-ჩაბარების დამადასტურებელი აქტის საფუძველზე, საანგარიშსწორებო დოკუმენტაციის წარმოდგენიდან 5 (ხუთი) სამუშაო დღის განმავლობაში.

3.20. ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) მიხედვით მიმწოდებელთან ანგარიშსწორებისას, შემსყიდველი უფლებამოსილია ასანაზღაურებელი თანხის ოდენობიდან გამოქვითოს (შეამციროს ანაზღაურება) წინამდებარე ტექნიკური დავალების 3.9. პუნქტში მითითებული, მიმწოდებლისათვის დარიცხული და იმ კონკრეტული მომენტისათვის გადაუხდელი პირგასამტეხლოს (0.02 %) ოდენობის თანხა.

3.21. თუ ხელშეკრულების ღირებულება შეადგენს ან აღემატება 200 000 ლარს, გამარჯვებულმა პრეტენდენტმა სავალდებულოდ უნდა წარმოადგინოს **ხელშეკრულების შესრულების უზრუნველყოფის გარანტია**, რომლის ოდენობა განისაზღვრება ხელშეკრულების ღირებულების 5%-ით.

3.22. შესყიდვების კანონმდებლობის შესაბამისად, თეთრ სიაში რეგისტრირებულ მიმწოდებელს უფლება აქვს შემსყიდველ ორგანიზაციას წარუდგინოს მოთხოვნილი ოდენობის ხელშეკრულების შესრულების უზრუნველყოფის გარანტიის ნახევარი.

3.23. ხელშეკრულების შესრულების უზრუნველყოფის გარანტია „შემსყიდველს“ წარედგინება ხელშეკრულების დადებამდე. ამასთან, „შემსყიდველს“ უფლება აქვს, დასაბუთებული გადაწყვეტილებით, არ მიიღოს ხელშეკრულების შესრულების უზრუნველყოფის ისეთი გარანტია, რომელიც ეწინააღმდეგება საქართველოს კანონმდებლობას.

3.24. ხელშეკრულების შესრულების უზრუნველყოფის გარანტიის მოქმედების ვადა არანაკლებ 30 დღით უნდა აღემატებოდეს ხელშეკრულებით გათვალისწინებული შესყიდვის ობიექტის მიწოდების საერთო ვადას.

3.25. ხელშეკრულებით გათვალისწინებული ვალდებულებების ცალმხრივად შეუსრულებლობისათვის, მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს 3.9. პუნქტით გათვალისწინებული პირგასამტეხლოს (0.02%) დარიცხვას.

3.26. ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) მიხედვით მიმწოდებელთან ანგარიშსწორებისას, შემსყიდველი უფლებამოსილია ასანაზღაურებელი თანხის ოდენობიდან გამოქვითოს (შეამციროს ანაზღაურება) წინამდებარე ტექნიკური დავალების 3.9. პუნქტში მითითებული, მიმწოდებლისათვის დარიცხული და იმ კონკრეტული მომენტისათვის გადაუხდელი პირგასამტეხლოს (0.02 %) ოდენობის თანხა.

4. ხელშეკრულების პროექტი

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ, (-----) წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“) სახელმწიფო შესყიდვების კანონის, სატენდერო პირობების, დოკუმენტაციისა და წინადადების საფუძველზე, გამარტივებული ელექტრონული ტენდერის (ტენდერის ნომერი) ჩატარების შედეგად, დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

4.1. ხელშეკრულების საგანი და შესყიდვის ობიექტი

1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტის ნასყიდობა.

1.2. შესყიდვის ობიექტს წარმოადგენს საინფორმაციო სისტემები და სერვერები (თანმდევრ მომსახურებით) (სერვერი-CPV 48820000), წინამდებარე ხელშეკრულების №1 დანართის შესაბამისად.

4.2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს {თანხა სიტყვიერად} დღგ-ს გათვალისწინებით (----- ლარი დღგ-ს გარეშე).

2.2. ხელშეკრულების ჯამური ღირებულება მოიცავს შესყიდვის ობიექტის შესყიდვასთან, ინსტალაციასთან, მიწოდებასთან დაკავშირებულ ყველა ხარჯსა და საქართველოში მოქმედი კანონმდებლობით დადგენილ გადასახადებს (გადასახდელებს).

4.3. ანგარიშსწორების ფორმა

3.1. ანგარიშსწორება განხორციელდება ეტაპობრივად, „მიმწოდებლის“ მიერ ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) ღირებულების შესაბამისად, მიღება-ჩაბარების დამადასტურებელი შესაბამისი დოკუმენტის საფუძველზე, საანგარიშსწორებო დოკუმენტაციის წარმოდგენიდან 5 (ხუთი) სამუშაო დღის განმავლობაში.

3.2. ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) მიხედვით მიმწოდებელთან ანგარიშსწორებისას, შემსყიდველი უფლებამოსილია ასანაზღაურებელი თანხის ოდენობიდან გამოკეითოს (შეამციროს ანაზღაურება) წინამდებარე ხელშეკრულების 12.1. პუნქტში მითითებული, მიმწოდებლისათვის დარიცხული და იმ კონკრეტული მომენტისათვის გადაუხდელი პირგასამტეხლოს (0.02 %) ოდენობის თანხა.

4.4. მიღება-ჩაბარების წესი

4.1. შესყიდვის ობიექტის (მისი ცალკეული შემადგენელი ნაწილის) მიღება-ჩაბარება ხდება მას შემდეგ, რაც შემსყიდველის მხრიდან ხელშეკრულების შესრულების კონტროლის განხორციელებისას, არ იქნება გამოვლენილი შესყიდვის ობიექტის (მათ შორის თანმდევრ მომსახურებისა და ინსტალაციის) რაიმე ნაკლი ან ხარვეზი.

4.2. შესყიდვის ობიექტის (მისი ცალკეული შემადგენელი ნაწილის) მიღება-ჩაბარება დასტურდება ამ ფაქტის დამადასტურებელი შესაბამისი აქტით, რომელსაც ხელს აწერენ ორივე მხარის უფლებამოსილი წარმომადგენლები.

4.5. შესყიდვის ობიექტის მიწოდების ადგილი და ვადა

5.1. შესყიდვის ობიექტის მიწოდების ადგილია „შემსყიდველის“ ოფისი ქ. თბილისში.

5.2. შესყიდვის ობიექტის მიწოდების საერთო ვადა განისაზღვრება ხელშეკრულების დადებიდან არაუგვიანეს 2018 წლის 31 დეკემბრისა, ხოლო მისი ცალკეული შემადგენელი ნაწილ(ებ)ის მიწოდება ხდება №1 დანართში მითითებული ვადების შესაბამისად.

4.6. მხარეთა უფლება-მოვალეობანი

6.1. „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის კონტროლი;
- ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

- ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

- ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;
- ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;
- გ) საკუთარი სახსრებით აღმოფხვრას გამოვლენილი ნაკლი.

4.7. შესყიდვის ობიექტის გარანტია

7.1. შესყიდვის ობიექტზე ვრცელდება საგარანტიო მომსახურება, რომლის ვადები მოცემულია წინამდებარე ხელშეკრულების №1 დანართში და აითვლება შესაბამისი კონკრეტული მიწოდების განხორციელებიდან.

7.2. შესყიდვის ობიექტის (მისი ცალკეული შემადგენელი ნაწილის) ნებისმიერი ნაკლის/ხარვეზის აღმოჩენის, გაუმართაობის შემთხვევაში, „მიმწოდებელმა“ უფასოდ უნდა გამოასწოროს/აღმოფხვრას იგი შემსყიდველის შეტყობინებიდან 10 კალენდარული დღის განმავლობაში, ხოლო თუ ეს შეუძლებელია, მაშინ შეცვალოს იგივე ტიპის, ხარისხისა და ღირებულების პროდუქციით და მიაწოდოს შემსყიდველს შემსყიდველის შეტყობინებიდან 30 კალენდარული დღის განმავლობაში.

4.8. ხელშეკრულების შესრულების კონტროლი

8.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

8.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორი {შემსყიდველისგან უფლებამოსილი პირის სახელი და გვარი ან/და თანამდებობა}.

8.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

8.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

4.9. ხელშეკრულების მოქმედების ვადა და შესრულების უზრუნველყოფის გარანტია

9.1. წინამდებარე ხელშეკრულება მოქმედებს ხელშეკრულების ხელმოწერიდან 2019 წლის 31 იანვრის ჩათვლით, ხოლო ფინანსური ვალდებულებებისა და საგარანტიო ნაწილში - მათ შესრულებამდე.

9.2. ხელშეკრულების შესრულების უზრუნველყოფის გარანტიის ოდენობა განსაზღვრულია ხელშეკრულების ღირებულების 5%-ით;

9.3. ხელშეკრულების შესრულების უზრუნველყოფის გარანტიის მოქმედების ვადა 30 დღით აღემატება წინამდებარე ხელშეკრულებით გათვალისწინებული შესყიდვის ობიექტის მიწოდების საერთო ვადას.

4.10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 3 სამუშაო დღის ვადაში.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

4.11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

4.12. ჯარიმა და პირგასამტეხლო.

12.1. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლოს გადახდის ვალდებულება ყოველ გადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

12.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

12.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის, მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს 12.1 პუნქტში მითითებული პირგასამტეხლოს (0.02%) დაკისრებას.

4.12. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ _____
ქ. თბილისი. ბარათაშვილის ქ. №2 ტელ. 240-14-20 სს „თიბისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი}	{სახელი და გვარი}
გენერალური დირექტორი	{თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს} {წელი}
{რიცხვი} {თვე} გაფორმებული ხელშეკრულების დანართი №

5. ინფორმაცია საკონტაქტო პირის შესახებ

5.1. ტენდერის პროცედურებთან დაკავშირებით დამატებით ინფორმაციას გასცემს სატენდერო კომისიის აპარატის წევრი მეგი ღვინეაძე - ტელეფონი: **599 245 159**; ელექტრონული ფოსტა: **mghvinepadze@esco. Ge**

დაკავშირება შესაძლებელია ტელეფონზე და ელექტრონულ მისამართზე ყოველ სამუშაო დღეს 09:00 საათიდან 18:00 საათამდე.